

野史

六十三

第一百七十四卷 武臣列傳
 森 可成
 第一百七十五卷 武臣列傳
 池田 信輝
 第一百七十六卷 武臣列傳
 瀧川 一益

和書門			
一〇〇冊	九架	二四函	一〇三五六號

内閣文庫	
番號	和 10356
冊數	100(63)
函號	269 35

内閣文庫	
番號	和 10356
冊數	100(63)
函號	269 35



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





共百
和三十百九十二號

校正

野史卷一百七十四

青政

武臣列傳第八十

飯田忠彦
修
男
文彦
訓點
竹中邦香
校

森可成

森可成

森可成。美濃人也。姓源氏。鎮守府將軍義家七子義隆。號森冠者。平治元年。與左馬頭義朝。共遁京師。踰龍華越。中流矢死。其子賴隆。號陸奧冠者。族稱森。系圖。森賴隆十二世之孫可房。小字小太郎。稱越後守。家譜。賴隆。死於和田之戰。子可秀繼。稱越後守。永正九年九月。死。

享祿元年九月。戰死于江州小谷。子越後守可行。居美濃國蓮基。是為可成家。家譜

○藩翰譜云。可成家泰政。稱左衛門尉。天文年中。從土岐定明戰死。與家譜所載異。今不取。

可成小字滿。改與三。後又改三左衛門。初屬齋藤道三。而從織田信長。弘治元年四月。擊織田信友。獲其首。二年五月。信長討林通具。可成從軍有功。且每戰竭力建功。永祿初年。作戶部政直偽書。為商賈。如駿府流言。遂使義元殺政直。甲陽軍鑑、武家譜、藩翰譜、永祿八年。徙于鳥降城。改稱金山城。金山記、○金山元稱鳥城沼、在美濃可兒郡中井戶莊。

十一年九月。承信長之令。攻箕作城。又攻青龍寺寨。拔之。織田家譜元龜元年五月。信長至近江。使可成守志賀。宇佐山二城。織田家譜是歲九月。信長出師于禰津。攻野田福島。淺井長政。朝倉義景將襲京師。率兵三萬。陣于比叡。迂入王寺。可成與織田信治守宇佐山。十九日。長政自辛碯。義景自河野。併兵將圍宇佐山。可成伏兵於路。出城而陣。遣輕兵挑戰。長政及義景分隊為三。義景部將朝倉景鏡。侮可成兵寡。亂隊伍進擊。可成誘之要地。發兵掩擊。景鏡敗走。長政大怒奮擊。可成欲入城。拒之而不能。與信治及尾藤源

戰史 卷一百七十四

內。青地泰資等返戰。可成斫敵。被傷數處。遂戰死。信治及源內等亦皆戰沒。金山記、織田系圖、保長善寺墓碑、廢城考。政收兵退。宇佐山遂得保焉。廢城考、太閤記。可成年四十八。法名心月淨翁。號可成寺。藩翰譜、備考系圖、鹽尻。弟可政。稱宗兵衛。仕關白秀吉。為黃母衣。後屬東照宮。叙爵稱對馬守。後依從姪忠政。死于作州。武家譜。可成有數子。長曰可隆。稱傳兵衛。元龜元年四月。戰死于越前手筒山。年十九。次曰長一。次曰長定。字蘭丸。次曰長隆。字坊丸。次曰長氏。字力丸。季曰忠政。家譜、系圖。天正五年。長定、長隆、長氏皆始仕信長。兼山記、遠山記。長定時年十三。

容姿美。有才智武勇。而廉直不阿。日夕侍左右。言行相應。信長寵遇日渥。武者物語、兼山紀談。六年。會有事。信長命書記。長定從。傍謂曰。事急也。宜徐書之。信長乃稍令聽政務。兵家茶話、國史實錄。七年四月。信長在攝津。慕鹽川治氏之美名。遣長定贈銀。武家傳。九年。信長在安土。召京師界浦有才名者。或贈飲食。長定為之監。織田家譜。十年正月。賜吉村城。在美濃。于長定。以報可成舊勳。藩翰譜、織田軍記、武隱叢談。以各務為兵庫陣代。遠山記。是歲六月。從右府信長于本能寺。長定、長隆、長氏兄弟三人。力戰而死。時長定十八歲。長隆十七。長氏十六。人皆

惜焉。武家譜、藩翰光秀襲本能寺。四方田又兵衛率
眾登客殿欄。過而墮。所架長槍哄然自墜。眾乃猶豫
不進。又兵轉自塲重門而入。長定把刀出叱曰。何者。
又兵進擊之。長定退。又兵迫迫接戰。遂殺。是於書院。
提首而出。光秀馬上視其首。以修禪寺紙爲椎髻曰。
得非蘭丸乎。左右應曰。諾。光秀踊躍三回曰。又兵衛
功大矣。神書初長定謂信長曰。光秀將叛。請刺之。信長
問其故。曰。光秀朝食飯。不嚙直嚙。且墮箸不覺。久之
自驚。其謀大事必矣。信長曰。何必然。先是長定請坂
本。以亾父之舊封也。而信長以坂本與光秀。故謂蓋

譖之也。更封長定於佐和山。而不聽其諫。遂遇弑云。
常山紀談長定嘗從信長于東司。執其刀。刀鞘有刻。
私算其數。信長知之。他日謂左右曰。能識鞘影數者
與刀。左右各言之。長定獨不言。信長促之。對曰。臣嘗
數之。信長感其忠實。遂賜焉。武者物語、紀談信長嘗令長定
發寢室懸戶。長定先把竹杖。索其戶上。有物。發而取
之。乃碗水也。蓋信長試之也。武邊咄聞書、鹽尻
長一。逸史云、長可諸書多誤作長一、然藩翰譜、武家
譜、並作長一、按柴田退治紀、亦同作長一、太閤
記、作武藏守忠政、天正記、作勝三、小字勝藏、後更稱
而無名、獨廢城考、作長可、今不從、武藏守。少而勇壯。國史實錄元龜元年。父死。繼居金山。兼山

武藏守
元龜元年
四二

記、三年七月。從信長于長島。兼山記

○藩翰譜。武家譜並云。十六歲初從軍。然以天正十三年歲一十七推之。是歲實十五歲也。

爾後每臨軍有功。人畏其勇悍。呼謂夜叉武藏。藩翰實錄天正二年七月。信長攻長島。長一與關成正等從焉。武家譜十年二月。信長伐甲斐。長一從城介信忠。抵

信州伊奈。小笠原信嶺以松尾城而降。長一及團景春臨監焉。織田家譜、武家譜伴西。星名據飯田城拒擊。信忠

親攻之。城兵出戰而退。長一等進擊。獲首三百餘。信忠

忠進到飯島。長一先驅攻高遠城下之。武家譜、金山記三月。

與織田勝長。團景春。鎮上毛。武家譜、織田家譜及武田氏亾。

信長以更級高井。水內。埴科四郡。在信濃封長一。食邑

十萬石。信長記、藩翰譜長一下命。急修築海津城。在信濃

乃今松代也。土寇蜂起。侵長沼口。長一自率兵三千。

分一千以視寡。伏二千於山谿以挑之。土寇侮寡軍。呼喚來鬪。誘之險要擊之。獲首一千餘。土寇猶據大

藏寨。長一進屠之。獲首前後合三千餘級。信長授書賞焉。廢城考、信長記、藩翰譜長一悉收土豪質子。三月。率兵由

太田切口。伐上杉景勝。六月朔。與景勝裨將甘糟景持戰不利。北國太平記會右府信長討至。收兵還海津。將

西上。土豪信人春日周防守。乞返質子曰。如不聽則起兵要歸路。長一忿曰。汝鼠輩聞變。以我為怯乎。我試一戰。衆懼不再言。十一日。長一携孥發海津。抵千曲川。土寇煽動遮路。長一自揮槍迎擊破之。濟水抵猿馬場。土寇治嚴。或曰。長一悉刺國而過本山驛。家士道家彌三郎來告曰。部酋肥田玄蕃。遠山友政。平井賴母。木曾義昌等。聞君西上。將要於福島。且與村又八郎等襲兼山。長一卽抵福島。通使於義昌。義昌乃邀入。使其子點茶。長一強丐為義子。以所携質子。悉託義昌。遂達大井驛。遣人謝義昌。送歸其子。義昌

等所謀齟齬。馳入制止。長一得歸兼山。兼山記。壤是與織田信孝。生隙。遣人於岐阜。奪弟仙千代。遂率兵攻肥田玄蕃於諏訪山。拔之。更陷大森。上惠戶。梶田等寨。又進拔蜂屋。蜂上有智。攻郡上城。降之。兼山記。逸十一年正月。遣人諭高山妻木下之。又遣使招土岐三河守於久久利。三河稱疾不來。乃裝家僮為仙千代。送之。以誘三河。遂攜之來。饗禮畢。謝出。至下坂將騎馬。長一家人戶田勘左衛門走迫刺之。終取久久利城。五月。遣貴船僧圓仁於苗木。誘遠山友政。友政怒而不禮。乃發兵攻之。友政棄城東走。兼山記。六月。

卷一百七十四
六

羽柴秀吉以長一觸世亂失封。更封以金山城邑十萬石。藩翰譜、廢城考、逸史。十二年二月。秀吉與織田信雄矛楯。並馳入招長一。長一娶池田勝入之女。以勝入黨秀吉。故長一亦左祖秀吉。實錄、豐臣家金山記。三月。長一率兵與尾藤知定。縱火于羽黑而陣焉。東師酒井忠次。與平信昌。大須賀康高。丹羽氏次等。隔小河發砲接戰。長一軍敗而走。小牧戰話、實錄、兼山記。勝入在犬山聞之來援。至則東師已去。豐臣譜。長一慚敗。將極必死再戰。遣書于秀吉。託仙千代。藩翰譜。尋秀吉到犬山。長一率兵三千。戍青塚。豐臣家譜。四月。長一與勝入等將入三州。抵篠

木柏井。長一欲雪羽黑之辱。臨發自執筆書曰。不克不復歸。納匣緘之。授僧曰。聞我死。發此匣。乃出。大川志。三國東照宮與信雄赴小幡。豐鑑、逸史。八日夜一更。長一掘秀政。長谷川秀一。三好秀次相繼下龍泉寺。過長湫原。東師大須賀康高。榊原康政等。躡其尾而行。東照宮以井伊直政為先驅。出小牧而繼焉。九日朝。秀次與東師戰于長湫。敗。秀一亦敗。勝入父子未知之。拔岩碕城。秀政陣岩碕之北。見秀次。秀一之敗。告急於長一。長一亦告勝入。而秀政轉軍於山尾。埃敵。東師逐北爭來。見秀政之陣。整脚疇。秀政乃揮麾衝突。

長一及勝入皆進軍。東師前驅直政赤隊兵三千。整備而進。秀政亦列伍南面。東照宮親督師。自山陰發。衝之。秀政勝入。長一整兵據山際。東師競進亂弩。逆地震發如雨。長一部下死傷者多。長一時著無袖白襦。率黑幌兵數十人。注目於大旗。直逼小山。東師萃矢銃亂發。長一奮擊。而部下之兵猶屯小牧東北二官森麓。將與之退。東師追躡搏擊發砲。不能旋兵。長一期死。部下或諫。濟內田瀨。長一憤怒不聽。自揮槍決戰。長湫合戰。或記作下騎。或說作中右。或中額。墮馬。東兵本多八藏來問姓氏。長一予刀。遂授首。豐鑑。小牧戰話。松平物語。老人

雜話。時年二十七。系圖。武家譜。法名鐵圍秀公。號雄心院。瑠璃光寺過去帳。長一家士有井原小一郎者。越中井戶瀨。誤碎刀。把視之竹也。蓋貧而不能帶劍也。小一慚愧。還家去。妻子而俟刑。長一憐之。予一裝刀。其慈仁愛士如此。兼山記。無子。季弟忠政嗣。忠政小字仙千代。或作千丸。幼而為質在岐阜。長一及與信孝絕。歸金山。奪之也。長湫之役。長一期必死。遺書託忠政于秀吉而戰死。秀吉憐惜。令忠政繼封藩翰譜。備。十五年十月。叙從五位下。任右近大夫。藩翰譜。備。十八年春。從小田原。任侍從。進從四位下。備名土代。

野史 卷一百七十四 八二

攻薙山城。豐臣譜、七月。徙封川中島城。邑十二萬石。穗

集、系圖、逸史 ○壤鑑云。忠政入城之日。謂土民曰。我自遠方來。子等待焉。今改海津。宜為待城。即今松代也。

征明之役。率兵屯于那古耶。豐臣譜、先是秀吉令忠政稱羽柴氏。未詳其年月。藩翰譜、太閤秀吉薨。東照宮

在向島。諸老奉行將襲宮館。列侯多姓警衛。眾以恂恂。官謝之。遣令就第。忠政獨留而不去。官聞之。召見

謝其厚志。武家譜、遂使忠政歸邑。備真田昌幸。而東西軍起。武家譜、慶長八年二月。轉封美作國十八

萬五千石。藩翰譜、是月。改稱美作守。陞從四位上。

系圖、大坂兵起。忠政陣于天滿。夏之役。獲首二百六級。藩翰譜、寬永三年八月。轉左近衛權中將。系圖、

武家譜、十一年十一月。卒。歲六十五。家譜、補任、法名先翁宗近。號本源院。武家譜、長子重政。稱大膳亮。先卒。次

忠廣為嗣。叙從五位下。位侍從。稱左近大夫。進從四位下。醮洪妙源夫人。寬永十年。先父卒。忠政取外孫

長繼為嗣。長繼實關成次子。而忠政女所產也。初字兵助。叙從五位下。稱大內記。忠政卒。襲封。進從四位

下。任侍從。延寶二年。告老。子忠繼嗣。稱美作守。卒。孫



長成猶幼。忠繼弟長武代爲嗣。叙從四位下。稱伯耆守。貞享三年。讓封於長成。割二萬苞別家。養子長基有罪。家絕。長成叙從四位下。稱美作守。任侍從。元祿十年六月卒。臨病篤。取長繼九男。衆利爲嗣子。衆利將赴東府。進抵桑名。發狂。國除。幕府特命賜備中田二萬石於長繼。長繼時年八十八。藩翰譜中興武家盛衰記。長繼語人曰。諺云。老駘歸。振子。實然。我更賜新知。以保長生。故也。遇悲迎慶。幸歟。不幸歟。歔歔。野談。明年卒。八男長直嗣。叙爵。稱和泉守。賜赤穗城。在播磨赤穗郡。子孫襲封。

俊春。叙爵。稱佐渡守。長繼曾孫也。祖長俊別封。邑二萬五千石。後徙播磨。居三四月。父長記老。而俊春嗣。俊春瞎目也。嘗出獵。自發砲。獲三雉。更搜索原野。近臣某等陰相謂。不計瞎人獲雉矣。俊春隔茅薄聞之。呼曰。女等何謂。某等驚而悔懼。期死。憑側用人。謝過訪罪。用人執謁。欲言不能。及更闌不退。俊春問其故。猶未得發。於是俊春曰。得非今日左右茅原之私語乎。因自指目曰。女亦見之。非瞎何。用人感動而退。家

手錄、雜話、藻鹽艸

野史卷一百七十四終

野史卷一百七十五

飯田忠彦 修
男 文彦 訓點
竹中邦香 校

武臣列傳第八十三

池田信輝

池田信輝。攝津人也。姓源氏。鎮守府將軍賴光玄孫。右馬允泰政。始稱池田。子孫住攝津。

○濃陽戰記云。泰政外叔紀泰貞養爲子。更姓稱

池田。美濃國可兒郡池田莊。爲外祖食邑。讓與稱

池田藏人。○武家譜。藩翰譜。並云。子孫住攝津。



至教依養楠正行子爲嗣。曰教正。初稱十郎。後更兵庫助。其子佐正。佐正之裔曰恒利。稱紀伊守。生信輝。仕大將軍義晴。義晴薨。薙髮號宗傳。移于尾州。武家譜鹽尻。娶池田氏女于近江。爲織田信長乳姆。賜美濃永良莊。武家譜池田系圖。信輝本名恒興。

○濃陽戰記云。古本十八云。筑後守池田勝俊。住攝州有馬郡田中城。其子勝政。稱遠江守。永祿十年。屬毛利氏。二男勝重。字久左右門。天正三年二月。居攝州有岡。勝政子信輝。今按。與家傳家譜不合。故不取。

小字勝一郎。稱紀伊守。系圖或云。仕織田信秀。攻星碕城。有功。信秀賞之。授諱字。因稱今名。弘治元年四月。織田信友拒信長。戰于海津。信輝先登。獲首級。藩家譜三年正月。織田信行有異謀。信長遣人刺之。愆期。信行逃母氏室。信輝往殺之於閣道。織田家譜武家譜。永祿元年七月。信長與岩倉兵戰于浮野。信輝有功。又與飯尾某戰于名護屋。先隊敗。信輝收兵整伍而還。武家實錄國五年五月。信長與齋藤龍興戰于輕海。前軍敗。信輝苦戰。被傷。獲稻葉大膳。織田家譜十一年九月。信輝與秀吉俱攻守山。拔之。獲城主種村大

信輝傳 卷一百一十五 十二

藏大輔。十二年八月。從信長攻大河內城。取市場。太閤記
元龜元年四月。信輝及柴田勝家等攻手筒山。織田家譜
六月。姊川之役。從信長與淺井長政前軍磯野秀
昌戰。織田家譜是歲。信長以大山張授信輝。食邑一
萬貫。命列隊長。安土日記天正六年。荒木村重與一
向徒共拒信長命。雜賀徒應之。信長遣信輝及子之
助。輝政。森長一擊之。七年十一月。拔伊丹城。信長以
攝津國予信輝父子。授書曰。因信輝父子勳勞。以雪
佐久間右衛門叛心之會稽。名譽高於山云云之助。
輝政又圍華隈城。拔之。武家譜實錄信輝居大坂之助。

于伊丹。輝政于尼碕。武家譜九年十一月。以大山城讓
女婿織田勝長。藩翰譜十年五月。織田信孝稟四國征
伐之命。出攝州。信輝亦將發山陽。織田家譜六月。聞
右府信長遇弒。將赴東師。從死。家臣伊木清兵衛等
諫止。會秀吉聞變。抵尼碕。武家譜或作兵庫。信輝往會戰。
以三好秀次爲信輝女婿。以輝政爲秀吉養子。信輝
斷髮號勝入。信孝等諸將又來會軍議。勝入曰。請我
爲先驅。高山長房曰。以地利則我當先鋒。中川清秀
次之。子次之。勝入不聽。秀吉以地方之便。開諭而定。
先後十三日。長房。清秀自山碕巷口。勝入自川邊進。

新編
武家譜
卷之七
十三

清秀先登山。與光秀先隊戰。長房與齋藤利三戰于
巷口。勝入由川邊橫擊光秀左軍。大破之。賊軍遂潰。
豐臣家譜乃與諸將會議於清須。立信忠遺孤秀信
藩翰譜爲主。勝家、秀吉、丹羽長秀及勝入相共執事。使信雄、
信孝輔幼主。豐臣家譜勝入遂薙髮入道。藩翰譜十一
年。秀吉滅勝家。殺信孝。以大垣予勝入。移封于美濃。
之助移岐阜。輝政移池尻。武家譜十二年三月。信雄
與秀吉絕。使人召勝入。及堀秀政、森長一。勝入本與
信長有親。且秀吉有山碕之恨。決意於信雄。而秀吉
遣尾藤知定懇請。賄以濃尾參三州。勝入意動。持兩

端。秀政長一亦視勝入去就未決。勝入與老臣議。片
桐半右衛門曰。信長之誼不可棄。請援信雄。伊木清
兵衛曰。秀吉大度。今應之。見佗日子孫之榮。與屬
國之人。寧從興家之主。勝入猶未決。秀吉再遣津田
隼人佐。送盟書請之。初勝入子輝政質于長島。信雄
謂勝入受先公之恩。殊渥。心不負我。今質其子。是待
以不誠也。乃送還之。勝入遂與秀政長一贈盟書於
大坂。即秀吉。左右歎曰。君背恩義。後必悔矣。舉世惡
焉。實錄豐臣家譜。秀吉使勝入爲前鋒。先發。勝入率兵
踰宇留間瀨。而攻犬山。犬山守將中川定成先爲池

十四二

尻平右衛門被害。無主。勝入父子併兵圍之。攻急。定成叔僧清藏主。鹽尻叔作弟拒禦力戰。勢盡而死。鹽繼戰話遂據其城。鹽尻史十五日。勝入進兵於小牧。縱火而歸。戰話十七日。勝入與稻葉長通、遠藤慶隆等率兵而軍於犬山。聞長一知定敗。奮起將進戰。片桐半右衛門扣轡諫曰。敵今乘勝擊之不可。請俟而戰。長通請為先驅。乃揮戈曰。老波漂杵。衆解頤。豐家譜戰話勝入乃登高阜。望見扇馬標之退。又收兵不進。戰話秀吉馳檄令謂知定曰。敵雖挑戰。必勿出兵矣。勝入長一皆矜武。以侮敵。汝宜制止。豐家譜四月四日。勝入謂家

臣曰。我望小牧陣。初軍徽章耳。兵又寡。漸為大軍。兵勢甚熾。意參州必虛。今潛兵出其不意。縱火攻之。可以逞矣。小牧人必內顧震懼。不戰自潰。所謂批亢擣虛也。僉曰善。乃入請秀吉。秀吉不決。五日。復請曰。事如緩則不成矣。秀吉許之。誠曰。毋輕進。毋深入。毋侮敵。毋亂次。一勝即還。募土寇代之。令森長一佐之。堀秀政將次軍。三好秀次。長谷川秀一將後軍。初秀吉命秀次秀一二人。勝入請曰。皆我壻也。願別擇一人為副。以糾軍功。備後證矣。乃以秀政為副。六日。勝入之助所率兵一萬二千。長一兵三千。秀政兵九千。秀

一兵一千。秀次兵一萬六千。繼之。師總四萬餘。勝入等抵篠木。柏井。共在尾張煽動土寇。秀吉又發犬山。而徙陣于樂田。實錄、豐鑑、老人雜話驅農夫為鄉導。八日夜二更。勝入。長一潛進兵于岩碕。篠木土人馳告於小牧。東照官聞之。親將精兵四千。偃旂銜枚。三更馳赴小幡。信雄又親將而從焉。官前軍大須賀康高。榊原康政。本多康重。水野忠重。丹羽氏次先驅抵長湫。本多廣孝往龍泉寺。候舉動。九日黎明。勝入已過諸和邑。岩碕城留後丹羽氏重。出城放銃挑戰。勝入不得已。一戰破之。氏重走入城。勝入追躡圍之。氏重防戰。力屈而

死。城陷。時既已刻。勝入大悅。入城點檢得首二百餘級。意氣倍奮。秀政秀次繼至稻葉。東師急襲破之。秀次匿以身脫。秀一又敗走。東照官進師至長湫。秀次敗兵走秀政陣。東師追之。秀政告急於勝入。長一而奮戰。東師卻走。秀政追躡。至長湫。獲首二百八十餘級。勝入。長一亦悉眾繼之。逐北追尾。東照官麾兵而前。井伊直政為先鋒。自山陰突出。砲矢雨注。秀政敗奔樂田。勝入使人止之。弗聽。東師大震。勝入長一據山際交戰。長一麾軍先徼而進。中砲斃。軍大亂。東師遂掩勝入軍。縱橫馳突。殺傷甚多。勝入馳入使秀政



來援不至。勝入父子皆揮戟血戰。左右見其危。戰死者多。勝入欲與秀政合兵。然不能自度不脫。登小阜。據胡床。把團扇。憩息。會安藤直次來。按大三川志。不載直次。拈槍刺。勝入未知其爲誰。永井直勝又至。前問勝入名。而誠焉。豐戰事。同或說。時年四十九。藩論譜。法名雄嶽宗英。號護國院。武家譜。考。有四子。之助。輝政。長吉。長政。長政號河內守。子孫爲家臣。之助小字勝九郎。年甫十五。從父征討荒木村重。明年爲隊長。陣于倉橋。藩論譜。天正八年春。從父攻村重族元清所保之華隈城。築寨於諏訪嶺。金剛童山。生田森等。勝入之助。

及士隊長伊木忠次。森寺忠勝。森寺或作森重。據之。三月。敵出城戰。之助與弟輝政奮戰薄城。輝政時年十六。獲首級。勝入亦親戰多斫敵兵。信長賜騮馬。賞其功。常山紀談。信長記。九年十一月。之助從秀吉征淡路。圍由良城。安宅木冬康力屈出降。携之抵安土。豐臣家譜。藩論譜。十年。父薙髮。之助更稱紀伊守。藩論譜。十二年四月。從父子長湫。軍敗退半里。聞父死力戰。爲安藤直次被馘。年二十六。豐鑑實錄。或說。藩論譜。子由之。元信。並爲家臣。輝政。小字古新。母荒尾善次女。生于清須。武家譜。初名照政。姬路城主。歷代記。天正八年。從父兄攻華隈城。獲敵。

卷一百七十五
十七

信長褒賜書及馬曰。真紀伊守之血統也。織田家譜、武家譜
 十年。從信忠于甲斐。既而信長遇弑。秀吉行葬儀於
 大德寺。輝政以信長乳母子之故。與秀勝昇棺。藩翰譜
 十二年四月。長湫之戰。父兄俱死。而部下兵敗走。輝
 政單騎求敵。有圍人執鑣勸回。輝政叱曰。父兄皆歿。
 我何顏獨生。圍人曰。郎君不存。誰承後者。輝政怒策
 馬。以鎧踢其頭。血及踵。仆復興。竟控而回。其人膽略
 絕倫。後屢有功。輝政擢用之。終列重臣。是為番大膳
 景次云。藩翰譜、逸史、景次 十三年。移岐阜。藩翰譜、武家譜、稱三
 左衛門。藩翰譜、舊章錄 八月。關白秀吉征佐佐成政。輝政從

之。又從紀州。進圍太田城。溉水攻。十五年。秀吉征薩
 摩。又從。武家譜 十六年。秀吉授豐臣氏族羽柴。叙從五
 位下。任侍從。藩翰譜、備考系圖 四月。進從四位下。系圖、藩翰譜 十
 八年。從征小田原。圍早川口。七月。小田原城陷。進抵
 會津。為先鋒。州郡悉平。武家譜 徙封吉田州。城。食邑十
 五萬二千石。又賜伊勢小栗栖莊。為在京料。豐鑑、武家譜、藩翰譜
 初。輝政娶中川清秀女。產利隆而死。文祿三年九
 月。秀吉命配輝政。以東照宮第二女。是為良照源夫
 人。實錄、落穗集、舊章 慶長五年。從東照宮于小山行營。及上
 國之變起。輝政與福島正則。為先鋒而西上。收駿遠

甲參四州之質子於吉田城。八月十四日。抵清須。藩
譜源夫人及二男在大坂。輝政妹夫山崎家盛黨
大坂。意懷歸順。聞三成悉收質子。竊爲輝政取夫人
及二子。送之三田。逸史、大坂記二十二日。前軍發清須。中
納言秀信距於木曾川。輝政及成野幸長。堀尾忠氏。
山內一豐。有馬豐氏。一柳直盛。松下吉綱等軍議。河
上正則自萩原。輝政自新加納。各出于渡口。岐阜兵
陣于新加納。大野之際。輝政率兵七千餘。自上游濟。
直盛先渡。諸軍以進。與敵戰于米野。克之。多獲。抵新
田橋。日旣沒。收軍屯芋島及新加納。德川記、石田軍記二十

三日東明。輝政正則分隊攻岐阜城。輝政先進。正則
忿。徑抵長良川。欲一舉拔城。相戰于七曲口。輝政自
百曲口進。城將百百倫時禦之。輝政按地理。而謂此
口與牙城遠。不如歷乘木原。涉長良川。自水郭入也。
乃轉兵而進。城兵拒戰破之。遂入水郭。伊木清兵衛。
村上寬賴等。一齊登攻。奪天主樓。揭旗幟。先鋒池田
由之。積薪於樓下。將焚之。輝政制止。田宮莊右衛門
又請火。輝政弗聽。會正則自前門入。城將木造長正。
津田元房等。猶止防戰。旣而城中火起。秀信不能拒。
乞和。諸將憐之。眞諸芋洗里。城陷。正則言取城我也。

輝政言先乘城者我也。爭之。監軍直政。忠勝諭輝政曰。大敵在前。不可爭雄。輝政以親姻之故。枉從之。事具聞。賜書賞焉。實錄、落穗集。輝政徙陣于權島邑。分兵戍秀信于上加納圓德寺。大志、談叢。群師悉會赤坂青野原。鱗次築壘。實錄、逸史。九月十五日。關原之戰。東照宮命輝政備南宮。輝政曰。冀當三成。宮曰。孤後陣也。枉從焉。武家譜、逸史。十一月。轉封播摩國五十二萬石。武家譜、逸史。八年正月。加封備前國三十一萬五千石。藩翰譜。以爲二子忠繼食邑。創業記、考異、政事錄。二月。任右近衛權少將。系圖、藩翰譜。三月。輝政携忠繼。拜命于東府。台德公賜宴。厚待

之。及歸。令大久保忠常。安藤重信。送諸箱根。輝政過京師。執謁東照宮。請曰。忠繼幼弱。以長子利隆撫新封。宮可之。武家譜、逸史。十二年七月。後陽成天皇敕賜劔馬於輝政。武家譜。十五年三月。賜淡路國六萬三千石。以充忠雄支封。創業記、考異、政事錄、逸史。十七年正月。輝政寢疾。東照宮令近臣往視之。台德公亦屢問之。使者項背相望。而疾愈。八月。如駿府。拜命之辱。尋如東府。賜饗宴於營中。令任參議。陞從三位。賜族稱松平。系圖、藩翰譜。九月。朝京師。拜詔歸國。武家譜、藩翰譜。十八年正月。疾再發。遂薨。五十。藩翰譜、武家譜、續王代一覽。法名泰叟玄高。號

國清院。武家譜、輝政年甫十一。侍父勝入。勝入煨粟於爐中。謂之曰。子又欲乎。曰唯。乃挾栗與之。箸熟如火。輝政不怯。延手而受焉。盛記、正爲人沈毅寡欲。有大略。恒言我荷大主殊遇。併有列國。無以報也。但西方有事。不俟東旂之動。我當殄滅之。逸史、賜封于播磨。於是築姬地城於通宿中國府寺三邑。更號姬路城。修天主樓。拓郭內。建市廛。鑿大濠于城南。以通商旅。姬路代記、歷割食邑。散金帛。以招致名士。嘗言國主之職。在養士撫民。治則爲藩屏。亂則爲干城。如是而已矣。封侯之富。豈爲一身之計哉。乃遠女色。卻珍玩。其自

奉儉素。一省奢侈。西道倚以爲重。碎玉話、得大封之後。侯伯宴會。或私嘲輝政之短小。輝政舉扇起舞曰。有勇功如此。有封邑如此。何求身之長大。古今人物志、及薨。上下惋惜。東照宮以其封係西道要害也。權使安藤重信往按撫焉。又命村越直吉副之。逸史、輝政有八子。利隆。忠繼。忠雄。輝澄。政綱。輝興。政虎。利政。政虎。利政爲光政家臣。
利隆。本名宣隆。藩翰譜、母中川清秀女也。舊章錄、生岐阜。武家譜、小字新藏。藩翰譜、慶長五年。從父于軍。攻岐阜城。武家譜、八年。弟忠繼稟封備前國。利隆代撫綏焉。

武家譜、十年三月。叙正五位下。稱右衛門督。武家譜、補任、四
月。叙從四位下。任侍從。武家譜、補任、武十二月。台德公以柳
原康政女爲養女。室于利隆。其儀壯麗。裝輿自營中
出。是爲福照源夫人。武家譜、落穗集、十二年九月。利隆始抵
東府。賜族。更稱武藏守。補任、武十四年。子光政生。東
府。遣使賜金帛。賜備中田千石於福照夫人。以爲湯
沐邑。武家譜、藩翰譜、十八年正月。輝政薨。六月。府命割其封
爲三。利隆食播磨。忠繼食備前。忠雄食淡路。藩翰譜、逸史、
十九年冬。大坂兵起。利隆在駿府。東照宮曰。尼碕要
地也。汝速往備之。其夜利隆發駿府歸姬路。令田宮

對馬。宮本筑後率兵。屬池田薰形。守尼碕。援建部政
光。監軍須賀左京獨曰。尼碕樞要。何援兵之寡。大坂記、
十一月。利隆。忠繼。忠雄。及森忠政。有馬豐氏部下侯
伯。共馳抵神碕川。水深無舟。忠繼。忠雄得輕舸。自下
流涉。逐守兵。軍北島。利隆結筏。自上游濟。至長柄川。
織田有樂等。率步騎一萬。守天滿。利隆欲直濟。監軍
城昌茂制止之。忠繼。忠雄又自其下流濟。守兵潰奔。
忠繼軍中島。隔水對天滿之軍。利隆怒。命濟。昌茂復
止之曰。敵諳地理。懸軍深入。恐取敗衄。利隆曰。我豈
爲必勝。二弟屢先我。不可獨後。若不克。唯有死已。將

進。昌茂當軍門。大呼曰。不從監軍之言。廢君命也。利隆切齒而止。與部下諸將。遙望福島。欲濟會間。部正之巡師而到。利隆就問正之曰。二弟深入敵地。破則棄弟。勝則獨取。怯不如濟矣。利隆乃復將進。昌茂不聽。正之弗懌而出。利隆益忿。本多正信巡師。還報曰。四圍既迫。不前者唯長柄師耳。東照宮使人詰之。辭曰。衆欲監軍不聽。利隆部下將士皆忿曰。見敵不進。欲何爲。昌茂忿曰。侮慢我不敬。可殺。將士等曰。爲君死固所請也。遂進濟川。城兵見之。火寨而退。利隆及部下赴福島。實十二月朔也。事平後。昌茂得罪云。

德川記、大坂
記、落穂集 利隆非良照夫人之出。因或流言曰。茨木兵阨於尼碕。而城中不救。係武州貳志。長柄觀望。可以證矣。東照宮聞之。弗懌。既正監軍罪。遂按尼碕顛末。利隆驚惶。使重臣番氏明謝之。宮引見詰之。氏明蒲伏對曰。尼碕要地。成臣奉命固守。不敢失墜。片桐者豐臣氏舊臣。雖歸順。誠僞難測。陽抗大坂。而陰襲要地。又未可知也。若使之入城。或陷其姦計。成臣噬臍莫及。且城中寡單。出兵救之。或失要地之守。上辱大命。下累吾主。是成臣所以不知變通。伏冀賜財察。宮辭色厲曰。華辨支吾。雖似有理。武州當日心事。

豈可測乎。起將入。氏明投佩刀。趨進曳裾。攬淚曰。武
州雖非大夫人之出。又是大公外孫。豈有他乎。何見
疑之甚。此事今日不白。更俟何日。因大號哭。宮降色
曰。孤既諒之。使武州戒後。氏明稽首曰。有愆于前。宜
創艾以慎後。武州忠誠終始如一。前無愆。後更何慎。
賤臣萬死。罔攸反命。宮曰。善矣。武州心事明白。孤無
復挾疑。氏明拜命而出。宮目送。謂侍臣曰。彼父大膳
圍人。其長湫之役。諫止其主之苦戰。頭受鐵錫。偏體
朱殷。靛馬而回。竟存宗祀。遂累功。升為執政。氏明今
後如此。斯父而有斯子。武州得良士哉。嗟嘆久之。穗

集、碎十二月。抵二條。謁東照宮及台德公。賜金。武家譜、藩
玉話元和元年夏。大坂兵再起。利隆忠雄。抵難波。縱火
於大和田民家。池田家傳、大坂日記利隆陣于北方。俟命。聞南
面城兵敗潰。東師薄城門。馳使候之。未還。城中火起。
前隊長由良長門令曰。急進。全軍濟中瀬。薄城。獲首
六百二十一級。慶元通鑑、大坂陣首帳二年六月卒。年三十三。
系圖、藩法名俊嶽宗傑。號興國院。武家譜、子光政。恒
翰譜元。共福照源夫人所生也。季政貞。為光政臣。恒元叙
爵稱備後守。慶安二年。賜播州宍粟田三萬石。稱族
松平。而卒。子政周嗣。復族稱池田。無子。取綱政二子

政順為嗣。政順繼封。無幾卒。絕後。武家譜、舊章錄

光政。稱新太郎。年甫五歲。始謁東照宮。宮賜劔。撫其

髻曰。三左衛門之孫也。欲見汝生立。光政直抽所賜

之劔。宮曰。檢矣。光政從容收刃而退。宮謂左右曰。眼

光炯炯。非凡童也。吉備烈公遺事。父卒繼封。元和三年。徙封。

領。因幡伯耆二州。九年八月。大猷公賜諱字。叙從四位下。任侍從。武家譜、武補任。寬永三年八月。任左近衛權

少將。補任、藩。五年八月。大猷公養本多忠利女。嫁光

政。實圓成夫人也。武家譜、柳營譜。九年五月。或作六月。遷封備

前。武家譜、藩翰。寬永十年。大猷公使向井忠勝更造

安宅丸船於三浦濱。十二年六月。公始御之。列侯從

之於品川。其朝光政乞福照夫人葛衫。表著猩猩緋

襦。立式臺。揭扇。遂往。列侯或問其異裝。應曰。有所思

也。公在船望之曰。異服者蓋備前少將也。乃召光政。光政進坐。公乞其襦。賜盃酒。光政起舞。自然居士之

曲。申樂曲名。御舟之禮畢。列侯將直參營。上下錯亂。不能辨知。至臣光政獨揭扇。眾識其所在。家人皂隸晏然

云。遺事。以寬文十二年老。天和二年五月卒。歲七十四。

補任、續藩翰譜。法名天質。義晃。號通源院。續藩翰譜、證號考。光政尚幼弱。每夜不寢。黎明僅一睡。其侍臣或恐因其疾。問

之笑而不應。久之。一夜能寢。明日侍臣問之。荅曰。我
因父祖庇陰。受封于大國。任過分。恐懼不安。思治國
養民之道。而不能寢。昨日使讀論語。得聽爲君子儒。
莫爲小人儒之言。我意決焉。乃得熟睡。遺事、勢免天
話、草、有斐錄
鈔。成童如京師。問治國之要於板倉勝重。勝重對曰。
僕職唯裁商賈之獄。已未辨國政。光政曰。老公令名
徧天下。何不辨之。曰。試言之。譬取方器中之鼓。宜以
圓匙。光政思惟少焉。如然如四隅。何曰。僕歷任多年。
見智謀才幹之人。不爲尠矣。未遇如卿妙年明敏。委
心於國務者。其如此。必可欲明察窮四隅。所謂治大

國。如烹小鮮。請察之。光政大悟。謝而去。遺事、澁谷
手錄、君則、儒
者三宅大道嘗侍座。語曰。頃京師鬻定家贗書者多。
價比真跡。可憎之甚也。光政曰。贗書不害人。何甚憎
之。奸人術智盜祿。是贗賢也。或至覆邦家。予甚憎之
矣。召伶人於京師。學樂。殊好笙。嘗出所藏橫笛。乞銘
於內大臣源通茂。院中通茂取曾良加計梨。左波珥登
之。遍氏以久多比可志母乃阿之太豆。許惠布介奴
良武之歌意。題曰。蘆田鶴。他日昇之於伶人辻山城
守。山城者爲天皇之師。其笛終藏內府公。津田左
源太永忠者。纔成童。當直不眠。光政試問曰。自鳴鐘

野史 卷一百七十五
何刻。對曰。臣眠不知也。黎明永忠退。光政曰。彼必有爲矣。後命爲監察。時十八歲。是日。諸老臣聞國事畢。猶相談話。永忠進曰。斯座非所可長談也。或以聞曰。彼未弱冠。過言如此。光政喜曰。我所見不違矣。一日。光政縱鷹而歸。途中以紙結稻。民恠問之。下吏。光政聞曰。雨沐風櫛。民所耕獲。我今錯履之。故然矣。畏天也。遺事。國老池田大學以巨珊瑚飾荷包。光政見之。弗懌。他日自狹荷包。左右異之。召大學。予之曰。壓口余所造也。大學拜戴視之。麁布爲荷包。烏丸子爲壓口。蓋光政燒火箸鑽之通孔。於是國中好華麗者熄。手錄

鳩巢小說。光政讀春秋傳。至魯君十九歲。猶有童心。曰。我好玩禽鳥。又不免童心矣。卽悉放焉。當在江府。詣東叡山。會驟雨。更服于草上。某啓諸侯各有宿坊。在光政顧曰。然乎。無幾有司請置宿坊之備。光政作色曰。夫祿以養士。何充之于宿坊。光政母福照夫人。天賦嚴格。不妄舉動。如泥塑。又光政定省不懈。或下庭自穿土栽樹。稚兒戲以慰之。夫人嘗言。未近見荷挾箱。光政卽取箒爲之狀。夫人粲然。適政言在側。夫人強之不起。光政叱曰。苟有封國。三性之養。不足言也。鄙事迎歡。最爲孝養。汝何不省焉。或時在江府。群侯登

營有慶賀之事。光政謂彼曰。夏目長右衛門。如不死則不見今日矣。味方原之役。夏目正吉代。東照宮戰死。故光政云爾。或勸任官。曰。單稱新太郎。不亦鄙乎。光政應曰。我過府下。見鍛工猶稱大和守。或鏡磨大椽者。我不欲之也。酒井忠清。職爲大老。威權盛大。光政迎享數回。嘗責其不忠。忠清語塞。少焉曰。卿今一旦任少將。何不欲。荅曰。進中將何益。若加封地。我敢欲之。每年元旦。掛忠孝軸拜之。就机必先續孝經。試筆則必書天下泰平。儒道興行八字。一日謂左右曰。近頃我莫大過矣。泉仲愛對曰。言非也。光政變色入。仲愛退。畏而不出。明日光

政問之。從容慰之。仲愛感謝。光政告老之後。會初夏談偶及螢。子綱政聞之。下令於郡邑。獵此贈之。光政知其由。嘆曰。農事方劇。我奚爲玩好妨之。遺事。光政嘗言。諺所謂禍者從下起。是豈然乎。下民者因上之所導爲禍福耳。所由在上。不可不誠也。光政每事尙輕便。田獵山野。恒用腰厨。老臣伊木長門從焉。當午正。光政輕用腰厨。長門設帷幕。酒食盛饌。移刻。光政候之不到。馳人促之。長門駐其人。令頽食。及數人皆然。光政焦思。竊使覘之。歸報其狀。光政忿歸城。召長門詰之。長門正色曰。臣從曷使君煩糧食耶。勢免天話草

光政好學。尊聖賢之道。設爲學校。舉熊澤了介任之。教化大行。藩翰封城中有兄弟爭畔者。不從場官之命。光政使泉仲愛裁之。仲愛乃召兄弟於邸。令曰。公事繁多時可。俟。眞兄弟于一小室。終日不見。昇食令浴。日暮復令曰。公事未終。置一手爐於兄弟之間。兄弟背火而坐。不曾交一言。如此過數日。猶不裁之。時寒威方嚴。兄弟漸倚爐。終交語。及考妣。相與動追慕之情。旣而兄謂曰。初某使勸我。與汝爭田。事到此。實似無益。不如輯穆解爭。務耕稼。何如。弟曰諾。遂請止爭。仲愛乃出見兄弟曰。女等同胞。父母遺體。執

爭何破骨肉之親。今復其本。可嘉矣。諭而遣之。澁家手錄。窓乃口號。光政恒言曰。治國家者。恩威而已。無威嚴。則下不從。無恩惠。則衆不服。宜施恩正法。以明賞罰。無恩則威不行。無威則恩不重也。且通下情爲要。不然則恩威猶有所塞。而非聖教。則不能知其要也。光政欲出命駕。前夜適雨。家人啓曰。泥新矣。持明日可乎。曰否。害事。家人不得意。復請之。光政曰。今以雨故延之。他日以雨生懈矣。君手錄。則嘗置一匣于牙城南門橋上。以受諫書。每郡設鄉校。登蒙師。教授子弟。當此時。藤井懶齋撰近世孝子傳。孝子十有三人。而出於備前者

六人云。封疆頗廣。荒陬僻壤。匱于醫藥。因分遣善醫者。稟給有數。且毀淫祠者。凡九萬餘。所修理正祠七十餘。所制減佛寺有等。僧徒脫緇歸化者頗多矣。史氏備子綱政。政吉。輝錄。綱政襲封。累遷左近衛權少將。稱伊豫守。政吉。輝錄各割封邑。列侯籍。子孫相繼。忠繼。小字藤松丸。良照源夫人之出也。慶長八年正月。賜備前國於輝政。爲忠繼封國。東照宮曰。我外孫也。可准孤子云。初輝政稟封播磨。欲立忠繼以爲適嗣。然東照宮弗聽。令利隆爲世子。至是歲。加賜備前國於輝政。而令爲忠繼封國。國史實錄更稱十郎。藩翰譜

譜武家譜、十郎或作三郎、十三年。台德公賜諱字及族。叙從四位下。任侍從。兼右衛門督。武家補任、十八年。加賜播州安粟。佐用。赤穗三郡。藩翰譜武家譜、或稱左衛門督、十九年冬。大坂兵起。十一月。率衆抵于大和田。刈蘆荻。臨蜺江。欲攻野田。福島二寨。附庸花房職之善戰。有方畧。老且病。肩輿而從。告忠繼曰。兩寨旌旂不動。上無烟氣。敵已遁矣。使覘之信。遂濟河頓福島。十一月。石川忠總攻船場寨。阿部正之白東照宮曰。船場天滿二寨。壘壁不固。背水在散地。束手待吾師萃。是莫能爲己。今宵必遁。是日。城中會議。後藤氏房揀壯士。伏待師

至。忠繼望烟將馳。職之諫曰。氏房多畫策。必有伏。乃止。逸史。忠繼進攻今橋口。城中發砲如雨。台德公賜鐵楯於忠繼。備寨橋面。連發巨砲。以射城墻。城兵自火橋而去。武家譜。元和元年二月。遽卒。年甫十七。或作十九。法名靈臺元祥。號龍峯寺。補任、藩翰譜。忠繼。孝友。智兼勇。大坂冬役。臨軍旅。竊召組頭。每人殊謂曰。汝所備殊險要。且天寒不可耐矣。乃畀繪纊一酒一壺。且謂汝耳。必勿漏他。諸隊長感服。忠繼卒而後。一人語斯事哀慕。同僚二十餘人。各相語感泣。拾遺勢免。無子。弟忠雄嗣。

忠雄。小字勝五郎。武家譜、備考系圖。○武母良照源夫人。慶長十二年。台德公賜諱字及族。叙從五位下。稱宮內大輔。甫七歲。補任、藩翰譜、或作叙從四位。十五年二月。加封淡路國於輝政。爲忠雄封國。實錄、淡草。十八年正月。父薨。割淡路國。食六萬三千石。治成山城。居僅一年。常磐。十九年。大坂之軍。遣兵艦于葦島。襲博勞淵。忠雄家士橫川次太夫。獲守將平手貞詮。箕浦玄蕃。奪戊船。入博勞淵。德川記、難波軍記。元和元年五月。整旅抵大坂。事既平。藩翰。六月。忠雄承命爲忠繼後。收淡路。轉封備前國三十二萬石。補任、駿府二

年正月。叙從四位下。任侍從。補任、大坂日記。寬永三年八月。越任參議。進正四位下。補任、武家譜。九年四月薨。年三十一。補任、武家譜。法名仁秀。良勇。號清泰院。武家譜、備子譜、藩翰譜。光仲。仲政。稱美濃守。蚤卒。光仲繼封。無幾移封。因幡伯耆二州。寬永十五年冬。大猷公賜諱字。稱相模守。累進左近衛權少將。年老致仕。子綱。清襲封。子孫相繼。二子隆律。出繼九鬼氏。三子仲澄。四子清定。各稱族松平。割食邑。列侯籍。累世相傳。武家補任、續藩翰譜。輝澄。小字松千代。良照源夫人所生。政綱。輝興皆同母弟也。元和元年六月。割播磨宍粟田六萬石。賜輝

澄。藩翰譜、類聚盛衰記。叙從五位下。稱石見守。賜族稱松平。補任、武家譜。三年。藩翰譜。叙從四位下。武家譜。寬永三年八月。任侍從。補任、盛衰記。輝澄以外孫故。將封駿河國十八萬石。命未下。老臣伊木伊織。世執國政。輝澄召肥後浪臣小川四郎右衛門。登庸之。令預聞國政。有室老官游白者。在府邸。與四郎謀。欲令伊織陷罪。悉更連署名簿際。伊織為四郎所務。誣伊織以懈怠。輝澄不察。姦邪。惡伊織。譴其怠。伊織憤忿。致仕去。國家臣從伊織而去者。三分之二。御遺訓附錄、遺老物語。寬永十七年。事聞。七月。命沒收采邑。配流于因州鹿野。舊事錄、盛衰記。尋薨

髮號石入。盛藩翰譜、寬文二年四月。年五十九而卒。法
名一圓徹心。號大雲院。備考系圖、子政直。政武。政濟。
政直父處流之日。殊命賜播州佐用田一萬石。叙爵
稱能登守。寬文五年十二月卒。割食邑。賜弟政武。政
濟。政武字久馬介。食七千石。政濟字勝右衛門。食三
千石。子孫相傳仕幕府。
政綱。小字岩松。元和元年六月。賜赤穗城。播磨、食邑五
萬四千六百石。補任藩翰譜、九年。叙從五位下。稱右京大
夫。賜族松平。補任備考系圖、寬永三年。叙從四位下。八年七
月卒。年二十九。無子。絕。補任舊章錄、法名涼岫蔭公。

號雲龍院。備考系圖、
輝興。小字古七郎。元和元年六月。賜佐用田。武家譜、
寬永三年八月。叙從五位下。稱右近衛將監。賜族松
平。武家補任舊章錄、八年。兄政綱卒。無嗣。賜赤穗城。食邑五
萬四千七百石。補任武家譜、十一年七月。叙從四位下。補任
武家譜、正保二年二月。發狂流于備前。補任舊章錄、四年五
月卒。年三十七。補任藩翰譜、法名松巖英秀。號小林院。備考
系圖、諡子政種。稱求馬。寬文四年。遇赦。賜食祿。至曾
孫清勝。絕嗣。備考系圖、
長吉。小字藤三郎。勝入三子也。天正九年。秀吉爲養



子授羽柴氏及澤瀉章旗。藩家譜、十二年。從長湫役。傷。武家譜、十三年。叙爵稱備中守。補任、武家譜、從關白秀吉于薩摩小田原。又赴那古耶。文祿元年。往筑前蘆屋。監渡海軍艦。武家譜、庚子役。從輝政于小山。又與岐阜兵戰于新加納。遂攻岐阜城。自擊城兵飯沼勘平。獲其首。德川記、石田軍記、進攻龜山水口城。長束正家父子避水口城。乞命。不赦。賜死於中江。以其金寶器財悉賜長吉。武家譜、十一月。賜鳥取城。因九萬石。藩家譜、九年九月。卒。年四十五。藩家譜、法名茂林宗剛。號隣松院。備系圖、考、子長幸嗣。次長貞。次長政。共爲宗家。

臣次長賴。次長治。共仕幕府。長幸小字治兵衛。父卒繼封。從大坂軍。夏之軍。屬利隆于天滿。斬首三十級。藩家譜、大坂陣首帳、是歲。叙爵稱備中守。元和三年。徙封松山城。備中、寬永九年四月。長幸病篤。親族相聚。或謂請府。割與食邑之半於二子長純。長幸弟長賴不聽。欲使適子長常襲全封。衆爭之。長幸困篤。不辨是非。衆以爲長幸所請。將達府庭。長賴怒。將殺長純。長純逃走。其舅脇阪安信。長輝迫之。長純傷而走。脇阪安信遂死。事聞。長賴賜死。君臣言行錄、長幸尋卒。子長常嗣。長常。小字猿。元和元年。叙爵稱出雲守。補任、武家譜、寬永

九年繼封。十五年或作十六年九月卒。年三十二。無子絕。
藩章錄、長常性勇悍。講武愛士。居常召所從父祖之
老臣共語軍事。一日謂曰。高祖勝入君勇將也。吾欲
效其武。天下有事。我先殺自進。汝等代我指揮兵。衆
感其勇武。有水野善左衛門者。年八十餘。不應。既而
謂之曰。言雖烈不中道矣。勝入君之日。采邑未滿萬。
今則與之異矣。可比其微時哉。主將者士卒之司命
也。進退動靜。以合理爲武。君請勿好小勇。長常大喜。
延善左於便殿。予盃。受其盃。酬以金一掬。卒年三十
二。偉才不達。行業不終。惜矣哉。碎玉話

野史卷一百七十五終

野史卷一百七十六

飯田忠彦 修
男 文彦 訓點
竹中邦香 校

武臣列傳第八十四

瀧川一益 勝雅

瀧川一益。近江甲賀郡大原人也。姓伴氏。儻仗資兼
曾孫資乘。建仁中移居甲賀。是為瀧川。上野山岡。富
永等祖。伴家譜、松窓漫錄云、資兼孫設樂資乘之後。
資清生一益。一益初字彥右衛門。有勇且智。善射銃。
漫錄、桑名雜往尾張。筮仕織田信長。信長愛其智勇。

擇爲隊長。每戰列先鋒。實錄稱伊豫守。漫錄爲左近衛將監。織田家譜豐鑑。永祿十年春。受信長命。伐略員辨桑名二郡。木股持福等皆降。漫錄十一年。爲征勢總督。居蟹江城。織田軍實錄十二年。一益調略。諭木造具正降之。九月。信長率師圍大河內城。使一益焚郭取禾。城中糧竭。國司具教。終行成。織田家譜以太問記。以北勢五郡封一益。織田家譜漫錄。天正二年九月。信長芟夷長島一向寇。使一益爲長島城主。兼保蟹江城。織田家譜以太問記。信長使一益贈書及馬於千葉介胤富。蓋欲同祖而爲豪族。互結信。與一益戮力。鎮平東陸也。胤富怒。文章倨傲。弗應。截

馬鬣尾。放之街巷。捕使者爲禿。放歸。漫錄三年。長篠之役。爲信長左軍。織田家譜六年正旦。信長召功臣十人於安土。享茶。親送迎。饗饌慇懃。一益爲其一員。七月。率兵攻神吉城。七年十月。一益攻伊丹城。竊招城兵中西新八郎。諭曰。村重已棄城脫去。汝等爲誰固禦與。不如速歸順。以致忠矣。於是城兵或送款相應。一益進兵。拔其羅郭。十一月。城代荒木久左衛門。使人謂曰。願往尼碕。說村重。而致尼碕。花隈二城。宥妻孥之死。一益許可。久左衛門避伊丹城。而赴尼碕。信長命一益及丹羽長秀。蜂屋賴隆。捕伊丹城中所在妻孥。

百二十二人。磔殺之於尼碕七本松。織田家譜十年三月。右府信長伐甲斐。一益爲先驅。入甲。偏勝賴父子于田野。獲其首級。信忠賞賜感章及佩刀。吉光驕馬黃金等。織田家譜二十三日。信長召一益于諏訪營。以上野國及信州小縣佐久二郡予一益。且誠曰。女爲關東管領。山東及奧羽諸州。征伐訟獄皆任。女處分。若所不逮。咨詢之德川氏。乃賜繡騮馬及佩刀。實錄漫記。命上信二州國人。悉隸一益。以爲藩屏。時人謂秀吉管西海。一益統東山。共拔擢於凡卑。信長能察人。實錄亦載山東制法十五章。以授一益。信長記一益乃以

小幡信貞爲鄉導。率步騎八千。四月。發甲府。踰余地嶺能倉。而入上野。初甲裨將內藤昌豐保蓑輪城。而死于長篠之役。後爲番城。一益頓入蓑輪。徇西上毛。而徙河東。入厩橋城。國人多送質歸屬。信長記漫錄。東上野人山上道友。嘗通信長。賜采邑千貫文。隸一益云。漫錄五月。一益遣兵伐越後族。益氏爲前鋒。戰于三國嶺。敗屯于猿馬場。越兵長驅。疾來襲。軍潰歸。太閤記平。六月七日。信長凶訃至。一益驚愕悲憤。召益氏。及篠岡平右衛門。津田治右衛門。說之曰。今遽發喪。則國人必懷疑貳。恐爲殺被擒。竊西上爲君死戰。以酬

恩矣。僉荅曰。祕喪固質。而告以依命。西還可矣。平右衛門收質爲殿。一益曰。諺云。莫顯於陰。事如漏則爲前途之害矣。不如明告國人。以決舉止。乃召小幡信貞。鷹巢信尙。由良國繁。長尾顯長。澁川義勝。倉賀野秀景。白倉左衛門佐。內藤秋宣。安中越前守。高山重光。後閑信久。富岡六郎四郎。長根縫殿助。大戶直光。木部眞利。和田信業。那波宗元。成田長泰。深谷憲盛。上田政相等。十日盡來會。一益曰。右府遇弑。賊未滅。我速西上。欲討伐逆黨。衆如乘弊。欲獲我首。以送小田原則試戰。又欲迎北條氏來伐。是亦我所不辭也。

不論是非。吾意已決西上矣。衆對曰。卿若與北條氏戰。則皆爲前軍。欲西上。則亦護送焉。乃盟神明固約。一益厚謝。而後遣人於鉢形。告西上。且請戰。豫議三策。適子三九郎守城。聞一益死。則西上討逆賊。松井田最爲要地。先君所命。使津田正秀守之。委國人質子於族利成。一益如死。則據城守禦。竭力而後自殺矣。而一益整軍旅。欲擊相兵于中途。自率兵三千。以國人兵三千爲前軍。十七日到武藏野。漫錄常山紀談北條氏邦馳入于小田原。先率部兵二千。十九日涉神流川而進。一益抵金窪原。深谷記云。金窪比左以登原。相兵及町幸

定先登相戰。一益與篠岡平右衛門傳令勵衆奮戰。二刻許。氏邦敗退。國人追擊之。秩父。幡羅。榛澤兵。深谷銖形記忍兵死者一百六十餘人。傷者多。時炎暑甚。接戰數回。國人罷勞。下騎姑息。當此時。氏直督師三萬。深谷四萬。抵武藏青山。橫見郡聞戰急。以松田大道寺等五千餘騎爲先驅。分作十一隊。到金窪。伐銖形兵而前。一益見之。自進向玉村。諸部繼之。相兵設伏。誘戰而退。一益追躡。會伏起。左右反擊。隊伍散亂。篠岡平右衛門。津田治右衛門兄弟等。戰死者二千七百六十餘人。一益二男八丸爲敵被擒。神戶人古市九郎兵

衛追到。斬敵八人。傷一人。逐其餘。遂奪歸八丸。迄日暮。一益聚散卒。遣人於國人曰。前約不變。則請再戰。決死生矣。衆對曰。兵馬委頓。請以明日矣。一益乃下令涉水。歷倉賀野城。而歸旣橋。送金一百於城下佛院。令吊戰死者。又招國人賞功。再會難期。是乃生別也。設醺薦酒。自擊鼓諷曰。都和毛能乃萬之波里。多乃美阿留那可。倉賀野秀景拍掌曰。奈胡梨以麻波止。那久登利廼。終宵酣飲。頒贈刀劍。二十日。終發旣橋。悉還附質子。衆不可。俱整旅衛送。次日登笛吹嶺。還質子告別。澁谷記作歸到。經諏訪木曾路而西。

還。七月朔。入唐櫃焉。漫錄、常山紀、德川記、尋還長島。又適清須。見三法師丸。與柴田勝家等會議。分取五萬石。實錄、豐臣家譜、勝家嫌忌羽柴秀吉。竊欲除之。時仲冬。北地雪深。干戈不便。一益欲使勝家與秀吉假交和。乃言勝家。勝家諾。豐臣家譜、太閤記、一益令益氏太閤記、等守嶺城。佐治新介等守龜山。自兼保桑名長島。豫備秀吉。殘太閤記、天正十一年正月。秀吉帥師一萬五千。抵江南。驅得步騎七萬。分作三軍。令弟秀長。筒井順慶等。二萬五千。自土岐多羅口。姪秀次。中村一氏等。二萬。自君畑越。親督三萬。經安樂越。入侵掠郡邑而進。一

益分兵拒備。秀吉進燔桑名邊邑。一益怒曰。吾既分兵于數處。今所從不多。莫由拒。猴郎掠略。愠憤切齒。或夜出斫敵營。初秀吉命。殺曰。一益老武。彼必夜襲。勿懈守備。於是一益所謀皆違。豐臣家譜、迨五月。勝家信孝皆滅。一益力竭勢衰。終乞降。致長島及封邑五郡。以去。秀吉乃遣人謂曰。我嘗察卿之懊惱。然是勤王之業。叵如之何。請他日寬懷。宜養性也。如金穀。我善輸之。乃給以近江南郡田五千石。豐臣家譜、賤嶽記、○豐前大十二年三月。秀吉使諭一益曰。子盍舉兵相應。自取舊封。一益大喜。嘯集反側。據木造城。豐臣家譜、

秀吉令富田知信佐之。關盛信以龜山應之。一益與織田秀包、蒲生氏鄉合兵，攻嶺城。城將陷圍。東師至，收軍而退。大三川志、逸史六月，一益在木造，狙蟹江虛，誘其留從前田種利降之。山口重政在大野而不屈。十五日，一益與九鬼嘉隆率舟師，攻大野。重政逆擊焚兵船。明日，一益欲入蟹江。東照宮聞難，發自清須，與織田信雄會師。適蟹江湖落，一益以輕舸進，井伊直政自小牧驅次松葉，與師爭萃，大擊之。舟舸四散。一益會有疾，匿脫肩輿而得入城。會有而下從，師從圍之。老人雜話十七日，嘉隆與一益率舟艦，赴前田定利所據下市。

場岡部長盛、山口重政及織田氏舟師擊走之。明日東師與織田氏兵圍前田拔之。長種出亡。十九日，東照宮與信雄圍下市場。宮令探澤中，從之緣城。一鼓拔之。斬定利。師遂萃於蟹江。四面合圍數日。而城兵大窘。嘉隆以巨艦迎一益，舟膠而不得前。東師擊破之。嘉隆以軍刑免。一益勢屈，請降。信雄爲乞哀。宮曰：盡納其邑，送種利首，則減死一等。七月，一益終收斬種利，載盟書而去。秀吉聞一益受圍，自大垣赴援。不及焉。駐師于桑名。一益歸木造，守將富田知信疑而不納。遂亡命。自慚愧往京師。秀吉賞知信，罰一益。

益卻走入妙心寺。剔髮。遂寓居越前。漂死于五分一

邑云。豐鑑、老人雜話、實錄、

瀧川勝雅。本名雄親。又雄利。星合系圖作勝利、木造太閤記作一雅、

左近衛中將具政二男也。初為僧。住現常院。或作源成院、

有智勇。好武。有膂力。藩翰譜、退私錄稿、見國司家寢衰。竊與

兄木造具康。老柘植二郎左衛門謀。勸具康叛國司。

通織田信長。永祿十二年。招入信長兵于國。蓄髮為

俗。乞瀧川一益族氏。名雄親。字三郎兵衛。冒瀧川氏。

木造系圖、○按武家補任作紀氏、國司具教與信長

○藩翰譜作兵部少輔、猶當考、行成。以茶筌丸為養子。信長命使雄親及柘植三郎

左衛門傳焉。○藩翰譜作是時改兵部少輔、為三郎兵衛、元龜三年春。茶

筌丸元服。名信雄。授諱字於雄親。更稱雄利。星合系圖、藩翰

譜、天正四年。信長滅北畠氏。以伊勢國封信雄。雄利

叙從五位下。稱下總守。六年冬。伊賀人福地某降信

長。請為鄉導。初信長以伊賀定為信雄封國。予丸山

城於雄利。遣人令鎮之。十年夏。右府信長父子遇弒。

伊人或畔。信雄使雄利率兵攻音羽城。徇郡邑。是冬。

信雄賞功。以伊賀予雄利。雄利居上野城。藩翰譜、木造系圖、

無幾。一國屬平。十一年夏。秀吉殺信孝。謀滅信雄。求

老臣質。雄利因信雄命。送子為質。秀吉令脇坂安治

護衛之。十二年春。織田氏群臣往安土賀正。皆見信雄于其第。秀吉至大津。故不來。信雄滋怒。群臣居間。請盟于三井寺。信雄許之。信雄老岡田重喜。津川義冬。淺井多宮丸。及雄利。皆有膽畧。秀吉善遇之。乃料啗以利。必聽。儻有弗從者。亦足以離間之。先盟。招四人誘之。三人皆從。雄利陽許之。臨盟告諸信雄。信雄遽起。馳歸長島。小牧戰。雄利亦給安治曰。荆妻疾篤。請少時賜暇一子令見矣。乃携奔上野。安治怒。請以其甲攻之。秀吉以眾寡不敵。不許。固請。僅與二十騎。揚鞭入伊賀。呼曰。獲雄利者。恩賞任意矣。國人蟻聚。


夜攻上野城。雄利不察其兵寡。狼狽棄城而奔伊勢。藩翰譜、三月。信雄殺重喜等三人。而乞救於東照宮。使雄利圍義冬之松島。拔之。信雄予之雄利。宮命使服部正成協守焉。國史實錄、秀吉發師于勢尾。命弟秀長。及筒井定次。九鬼嘉隆等。圍雄利于松島。月餘。雄利極力拒守。屢擊卻敵。會糧竭。定次依慶室尼行。成。雄利終致城而去。藩翰譜、木初。秀長等來圍雄利。擊巨船于城中。秀吉聞而恠。後年雄利列臣籍。秀吉問其故。對曰。備君水攻之拒禦也。藩翰譜、十月。秀吉與信雄行成。豐家譜、十一月。秀吉遣富田知信。津田

信季往濱松求成。信雄亦使雄利赴請。而後來往數回。請成。豐臣家譜、逸史十三年夏。秀吉予神戶城於雄利。授羽柴氏。川木造系圖、濰碑十四年二月。雄利及織田長益。天野雄光。富田知信承秀吉旨。適吉田。因酒井忠次乞婚。再往。申前約。東照宮聽之。木造家譜、逸史十八年。信雄失封。秀吉召列相伴衆。殊賜食邑三萬石。逸史、藩圖、系改名勝雅。未詳、年月庚子役。黨三成。軍敗乞降。籍沒東選基業。而後近侍幕府。復族瀧川氏。列咄衆。木造家譜、補任而後近侍幕府。復族瀧川氏。列咄衆。子藩翰慶長十五年。陽常州片野田一萬石。墓碑、退子譜正利。字勘右衛門。初任秀吉。任從五位下。稱壹岐守。

賜羽柴族。後仕幕府。繼父。而後從大坂冬夏役。夏陣自取首三。從者獲二級。大坂陣首帳、藩翰譜復本氏。患眼疾。幽居。辭采邑之多。請分賜五分一。

○武家補任載。壹岐守紀正利仕幕府。復本氏。疾眼爲盲。請收食邑。故分賜一萬石於青山幸成。一萬石於長門守利貞云。

養士岐定吉子。是爲利貞。叙爵稱長門守。子孫世仕幕府。墓碑、系圖、藩翰譜



野史卷一百七十六終

野史卷一百七十六終

